





第一四六〇册

四庫全書

●上海古籍出版社

上海古籍出版社

本冊目次

輟金書

明

詩

綜(二)

清朱彝尊編……………一

第一四六〇冊

欽定四庫全書

集部
明詩綜卷四十

詳校官中書臣涂日煥

主事銜臣徐以坤覆勘

總校官降調編修臣倉聖脉

校對官庶臺臣潘曾起

謄錄監生臣楊恪

欽定四庫全書

明詩綜卷四十

翰林院檢討朱彝尊編

唐集部

臯宇守之欽縣人正德甲戌賜進士第一授修

撰進侍講學士

明妃曲

黃金不買畫圖中從此春花開漢宮到得君王識傾國

欽定四庫全書

明詩綜
卷四十

無人主議罷和戎

蔡昂一首

昂字衡仲山陽人正德甲戌賜進士第三除翰

林編修累官禮部左侍郎贈尚書有頤貞堂棠

送朱伯仁任四川行都司斷事

白帝秋風動烏蠻夕照含憐君游宦處地極勢西南殊

俗聊相問軍謀亦共參雄飛方自此休說翳鬚髯

霍韜一首

韜字渭先南海人正德甲戌進士累官太子少

保禮部尚書兼翰林院學士贈太子太保諡文

敏有渭崖文集

贈方棠陵用陶飲酒韻

張弓射飛鳥巧者猶能得君子履周道豈為多岐惑義

命良獨安行止順通塞遠之垂萬世近之範一國珍重

君此行時哉惟語默

劉儲秀一首

欽定四庫全書

明詩錄
卷四十

儲秀字士奇咸寧人正德甲戌進士縣刑部主

事累遷湖廣按察使歷戶部侍郎仕至兵部尚

書

送龍長史之武昌

荆衡山漠漠江漢水湯湯送汝從茲去何時到武昌楚

筵堪設醴漢署憶含香北上多鴻鴈音書好寄將

簡霄二首

霄字騰芳新喻人正德甲戌進士歷官南京兵

部右侍郎有卷溪集

過雪垣番寨

雪垣飭流沙風煙幾十家蓬頭男髻青編髮婦耕會皮

甲張藤盾毛衣綴線麻也知天子使羅拜接江涯

潞河舟中作

潞水經年別風塵又覺非岸蘆迎權舞橋燕掠人飛澤

國魚梁竭江城候吏稀人煙沙草外一縷起斜暉

陸杰一首

欽定四庫全書

明詩錄
卷四十

杰字元望平湖人正德甲戌進士授兵部主事

諫南巡廷杖後遷陝西按察副使終工部侍郎

有集

客舍

行役殊無已其如歲晏何宦情因拙澹鄉夢入秋多月

巷千砧發霜天一雁過吾廬今夜好可惜掩松蘿

吳鎰二首

鎰字文濟陽穀人正德甲戌進士授行人擢監

察御史升福建按察副使歷陝西叅政雲南按察使終僉都御史

書營平侯祠壁

白草連天遠黃雲出塞平霜笳吹漢月寒笛弄秦聲北
海猶傳前西戎未息兵屯田當寧意寧惜度金城

涼州

聞道涼州戍連年去未回健兒多戰死驢騎至今來白
骨紛無數黃雲慘不開龍城秋夜月羌笛不勝哀

欽定四庫全書

明詩餘
卷四十

林大輅
四首

大輅字以乘莆田人正德甲戌進士以工部員

外郎諫南巡予杖繫獄謫判夷陵州嘉靖初起

江西按察僉事歷副都御史巡撫湖南自劾歸

有愧瘡集

林茂貞云二山詩在仕途者忌憤激
雅淡無憤時嫉世之心要皆出於性靈非騷人

墨客風雲月露之作也王應時云二山詩與

麗雉遠采入堂奧謝山子云林詩樸厚可比

蔡忠惠林而可云二山詩鍛鍊而不傷自然
靜志居詩話二山與南谷最相契詩亦近
之第稍遜耳品當在李川父孟望之間

弔馬伏波祠

野渡維江舸荒祠薦瀾片魚龍喧永晝日月照迷津阻
絕征蠻路艱危報主身只今嗟意欲臨弔幾傷神

蔣子雲都水定居西長安門外

南冷三載賦閒居春日長安近卜廬苑樹飛煙分客榻
禁鐘浮月散朝車揚雄天祿多奇字方朔金門有諫書
相望西橋應不遠莫教風雨往來疎

林垵
四首

欽定四庫全書

明詩餘
卷四十

炫字貞孚閩縣人尚書庭梔子正德甲戌進士

歷官通政司叅議有榕江集

傷歌行

楚人不識鳳謂是五色雞魯人不識麟謂是麇而蹄天
時苟不值賢聖終見嗤爰居避海風享祀將奚為寄言
明哲士樂命安遂閑

有感用杜韻

將帥承新渥軍儲惜去年似聞千里霧猶蔽九重天貴

戚爭開府烽煙近到邊玉關何日閑遺恨自張騫

十四夜月

今夜揚州月清光已勝前遙升滄海外先到客亭邊雲
度同飄忽風來一灑然細瞻金粟影猶少半分圓

次韻贈朱青岡太守郊行

閒得農人語鶯花未足憐夕陽牛背笛春雨郭東田政
簡官如水時豐俗自便村村鳴社鼓歡喜說今年

孫存一首

欽定四庫全書

明詩歸
卷四十

六

存字性甫滁州人正德甲戌進士歷官河南左

布政使有豐山集

劉都幕泉亭

溫泉沸山巔汎泉迸山足一驚飲東泉飛向西泉浴

周在四首

在字善卿太倉州人正德甲戌進士除知寶坻

縣擢陝西道御史歷官浙江右叅政有燕京速

事錄行臺紀興

詩話善弗獨據胸臆不事規撫正和繁音
送奏忽於焉于曲縱無妙理具足清機

悼陳司李

保定推官被姦
民誣奏死于獄

灼灼木槿花楚楚蜉蝣羽朝陽耀容華日夕不知處人
生非金石誰能不銷腐昨日同舍人今朝成墓土死者
已無知生者徒自苦獨坐掩園扉哀哀淚如雨

秋夕感懷

月轉虛簷向夜闌孤臣不寐望回鑾重門擊柝聲何急
半壁殘燈影亦寒梁獄久淹書未上齊廷難遇瑟休彈

欽定四庫全書

明詩歸
卷四十

七

凌風欲借仙槎去天上銀河水定乾

初下詔獄作

薄宦叨民牧窮囚與寇鄰

撫監有官民之分官監稍潔
于獨下民監與強盜重囚難

處不辭羅法網直恐玷儒紳縲紲嗟何罪遭逢慨不辰

鄒陽書未上賈傅策誰陳日有泥塗辱旁無骨肉親吟

鬚經鎖斷鞭血污衣新野薤晨充饌乾蘆夜作茵亂蠅

沾食穢毒蝎螫膚辛厄似樊籠鳥危如涸轍鱗經旬忘

盟梯長日足悲呻竊共人愁語徒勞吏怒嗔獨行良踰

蹠羣吹尚信藉薄力謀求困虛情鍛鍊真株連殊未已
文致竟無因理直終何補錢多信有神虎翻令傳翼象
莫顧旋身禍已延吾黨寃猶念此民病亡俱老弱瘵死
半飢貧地下多新鬼天涯少故人禁嚴消息絕家遠夢
魂頻自笑心如鐵相看淚滿巾尚祈欽恤詔指日下楓
宸

閨怨

江南二月試羅衣春盡燕山雪尚飛應是子規啼不到

欽定四庫全書

明詩歸
卷四十

故鄉雖好不思歸

桑溥一首

溥字伯雨濮州人正德甲戌進士歷官按察使

榆林道中

迢遞榆關道西風卷客旌寒沙迷古塞落日下孤城水
險逼蕃騎山高列漢營君王方偃武邊將莫言兵

顧可久一首

可久字與新無錫人正德甲戌進士歷官廣東

按察副使有洞陽集

秋懷

異域滄溟上孤城斥鹵中經過稀漢使託處離黎戎最
苦黃茆瘴兼愁鐵颶風

集本作日遠天何
際雲荒秋不窮

誰能忍羈旅

轉泊逐飄蓬

李濂九首

濂字川父祥符人正德甲戌進士授沔陽知州

還寧波府同知終山西按察僉事有嵩渚集

廖

欽定四庫全書

明詩歸
卷四十

吾云川父詞藻俊拔迥出塵表

俞汝成

云川父詩率意走筆不事鍛鍊有古朴風

詩話嵩渚集凡百卷最稱繁富然不甚剪裁其
持論以明初吳中四傑為歸求其神似未免類

桓宣武之擬
劉太尉也

游呂公洞

窈窕呂公洞逶迤玉泉側澗流緬松門石梁亘雲壁始
入日匿影徐轉天漏白靈寢度縈迴細徑緣散仄杖邊
霏漸分衣上霰微積紫芝數異芬瑤草弄明色窮援倒
窺人仙鼠飛避客遙遙薜蘿陰嫋嫋蒼翠夕金膏欣可

餐石髓恨難識意恆諸妄遺神超萬緣釋伊予事沈冥
夙負山水癖曩聞呂仙名茲覽修真跡丹爐滅灰爐石
牀有苔蝕一遊洞庭波千載消消息桂組知爾忘煙霞
恣所適私哂名利心蹴躡竟何益

雪竇寺妙高臺

吾聞妙高臺海浦金芙蓉上有萬古苔虎豹留其蹤日
月挂天柱煙霞韜石峰所嗟異僧去寂寞青山鐘

含珠林

欽定四庫全書

明詩歸
卷四十一

十

佛有舍利珠瘞之海東石夜來九龍爭風雨拔林柏六
丁紛呵護寶物安所宅至今月黑時光騰幾千尺

石竇

石竇海眼通乳泉四時洩仰睇香而深誰劍翠屏裂青
巖千峰雲白含萬年雪膏砂原異竅鳥鼠或同穴

桃花坑

高僧飛錫地錦石名桃花吾非勾漏令乃此逢丹砂雲
中吹仙犬洞底流胡麻定有逃秦者人煙隔暮霞

太原中秋

紫塞中秋月青天萬里情他鄉一尊酒獨對太原城水
霧戎戎合陰蟲故故鳴雁門諸戎苦莫遣照邊營

春興

碧草城南路不分野人詩思正紛紜聊隨謝客尋幽壑
何必桓譚識古人春日苦耽新秫酒洞天思謁大茅君
東風吹起花如霰腸斷梁臺日暮雲

秋懷

欽定四庫全書

明詩歸
卷四十一

十一

瀟湘楓落鯁魚肥楚客懷歸未得歸頻憶鳳城詢北使
尚聞龍舸駐南畿驚心闕塞旌旗動旅食江湖諫疏稀
本乏涓埃裨郡國擬將生事付漁磯

良鄉道中

沙雁銜車起洲鶯隔岸聞暮看霞氣近疑是漢宮雲

蔣山邨

九首

山邨字子雲儀真人正德甲戌進士授工部主
事諫南巡廷杖謫南京前府都事歷刑部郎中

出知河南府改潯州再改南寧升廣西叅政有

南冷集

顧華玉云子雲詩天才溢發可歌可感使將來者見之則凡征釘其字雕刻其

文難深其思曲其體不發于情而并氣格音節亡之者皆可恒然省矣俞汝成云南冷達

生有容德詩似其人王元美云蔣子雲如白

蟻搏看似甘美不堪咀齷顧玄言云叅政才華朗邁五言學

杜恨乏奇語

詩話子雲詩如水精淨域盡埽游塵微嫌境太淺爾子三人孝常孝若孝或皆能詩吳山遜入

戶江水近通渠孝常句也鴈度三更月烏栖獨

樹霜孝若句也夕陽新雨後明月落潮時孝或

句也難未出羣亦自濟濟

欽定四庫全書

明詩歸
卷四十四

上

門有萬里客

門有萬里客駕言發京都問客京都來世事比何如公

車待詔士北闕新上書崢嶸片言合恩寵一朝殊升君

白玉堂上君黃金塗賜與出內藏宅第夾皇居華櫬鏤

壁璫文牕結綺疏珠履並侍從紫衣備走趨高門平旦

開飛蓋已填衢官爵入掌握才俊待吹噓顧盼遺光彩

俯仰生榮枯貴盛豈不羨尊幸古來無天運相代謝日

月有盈虛時命苟未逢進取何所圖執戟疲揚雄文園

病相如今君守寂寞辛苦徒嗟吁

陳輝度云此篇蓋為羅峰而作

雜感

吾聞青海外赤水西流沙神人生鳥翼蓬首亂如麻出

入乘兩龍左右臂雙蛇中有不死藥奇麗更紛葩琅玕

墜珠英玕琪散瑤華雙雙交相并文文自交加我願從

之游萬里跡非賒但恐非人類壽命其奈何

夏日田園即事 二首

沈沈夜來雨決決川上平田家趁時作驅牛急晨耕遙

欽定四庫全書

明詩歸
卷四十四

上

遙阡陌間肅肅老少并札札未與和呶呶桔槔聲紆迴

野水入綿延禾稼盈劬苦事一時倏忽見秋成四體雖

云疲所貴惟此生此生各有分胡乃不自營寥寥千載

下寧知沮溺情

東菑耘事畢老翁自閒閒鼓腹何所知徘徊墟落間斜

日上高原一望江南山寥林玩柔荑涉澗弄潺湲欣然

適其適日黑始來還了無一可說呼兒掩柴關

燕歌行

清霜落木寒蕭森白日既匿光景沈闕山迢迢絕信音
目極千里傷人心念君他鄉久滯淫長夜展轉憂難任
空閨寂寞愁錦衾涕零如雨不可禁冷泠纖指彈鳴琴
張弦促柱發哀吟月明洞戶流清陰涼風飄飄吹我衿
起看樹上雙樓禽雄鳴雌飛守故林我何荒荒獨至今

郭縣晚行

漠漠平沙闊荒荒白日低朔雲孤鴈度昏樹亂鴉棲
鼓聽猶隔村煙望欲迷闕山有戎馬憐爾尚征西

欽定四庫全書

明詩歸
卷四十一

五

八月十五夜懷京中舊遊

今夕那無月他鄉獨上樓兵戈添白髮幕府滯清秋
對酒傷前事尋詩數舊遊呼童把官燭漏盡不能休

送林以乘赴任江西僉憲

并序

正德己卯上將南巡予與以乘孟循同上疏忤
旨下獄且被責貶而孟循死矣今上即位召還
京方忻會晤而以乘有茲擢感舊叙別愴然興

懷凡二十六韻

先帝昔巡幸小臣同上書事危攀折檻情切止乘輿未
得陳丹悃空令伏玉除天心那可問皇怒竟何如氛霧
昏霾久雷霆震擊餘傷魂速困園鞭血賸衣裾半刺猶
憐爾孤遊孰起予聯翩嗟去國蕭索苦離居聖哲臨宸
極清明開太虛王綱重照洗姦孽盡誅鉏紫詔恩初降
蒼生憤始撫逐臣皆見召舊故復相於禁閤還通籍官
曹竝直廬感時唯涕淚歎逝重歉歉從宦心俱嬾求名
術本疎祗應旅進退敢望獨吹噓翻怪無鳴鶴堪憐似
戲狙十年才易組六月便驅車去作長途別行將大暑
祛涼雲停碧樹淥水汎紅蕖南國秋風早西江白露初
霜威迎解鴈月冷改蟾蜍世路多岐側斯文有卷舒身
須混涇渭譽欲等璫璵霄漢看鷹隼江湖覓鯉魚與君
生死分分千一躊躇

南巡歌

萬乘回鑾出楚關遙聞鳳吹百花間聖心不為閒遊豫
千里河山一月還

欽定四庫全書

明詩歸
卷四十一

五

薛蕙 四十四首

蕙字君采亳州人正德甲戌進士授刑部主事

改吏部歷貢外郎中以議大禮下詔獄尋復職

未幾罷歸屢薦不出有西原集

徐子元云君采

是過王正云西原窮探載籍采擷與華程

古摘詞起入魏晉晚乃刊落繁華潛心性命造

詣深遠自得實多今之人但知爲詩人已耳

文徵仲云西原先生詩溫雅麗密有王孟之風

樂府歌詞追躅漢魏時何大復李空同文章重

下摘詞發藻凌轡漢晉朝野翕然尚之先生

雖稍後出而聲華實略相曹耦

薛詩從老書未得虛靜語

李子西云西原

尚則元風半松木習漱羣籍之芳潤擷百氏之

英勇一時詞園遼馬寡儔王元美云薛君采

如宋人葉玉幾奪天巧又如倩女臨池疎花獨

來日大難痛心疾首今日為樂莫懲其後大難如何具

欽定四庫全書

明詩歸

七

君子行

君子思危懼不終日衆人居安沒齒自逸君子思退如
迫于淵衆人思進如逐于田損益之變何其相反苟非
明智孰能及遠人知其級莫知其始吉凶之萌鮮不由
已上天無私何怨何親福不擇家禍不索人道有險易
事有從違嗚呼小子慎爾所之

善哉行

云君采五言兼大小謝之長五律綜初盛唐之
妙長句則效李頎長律則宗子美絕句小詩亦
多妙

詩話薛公南巡御史大禮正人條達詞華淵源

理學古詩自河梁以暨六朝近體自神龍以迄

五季靡不句追字琢心摹手追銳北地之青英

具信陽之雅藻兼通功之精詣卓然名家又云

君采年十二能詩王子衡論判毫州賞之曰可

繼何李故其詩云東發從師王茂川文章衣鉢

幸相傳爾時評我李何似自前推類只自憐其

與用修論詩云近日作者摹擬蹈襲致有折洗

少陵生吞子美之說求近性情無若古調直以

沿流討源自許晚年究心篤學於詩不師擊壤

尤人所難

天不嘉吉凶有時人莫之知鹿之游斯在彼中野庖人
調和將以為脯翩翩白龍好是魚服豫且射之韋中其
目少康出畋不復其舍戎王朝卧迺縛尊下式戒在斯
式備在終匪戒匪備害于其躬天命戾止匪夙則莫勉
爾在位無俾天怒

效阮公詠懷 七首

翔鸞赴長颺翩翩戾高冥舉翮覆白日伏頸雲間鳴傾
謝野田雀詭勉營此生與子各殊塗無用相譏評

欽定四庫全書

明詩錄
卷四十

十八

飄風振玄幕若木零朱華六龍匿西山蒙汜揚其波翩
翩市中子於心太回褻不見顙頰色但聞慷慨歌卑危
誠未遠禍亂豈在多人人恤其私安能尚顧他已矣勿
重陳嗟予可奈何

朝登古臺上遙望大河陰朱明來自南隆暑修已臨丹
霞曜陽景渥露玄林炎風振曾柯鳴蟬響哀音四時
代終始變化迭相尋盛長固殊昔遯暮方在今感物切
悲情愼數傷我心

生才良不幸處世誠獨難揚蛾興妒階瑩璧賈罪端靈
均既見放韓非亦自殘奉身失所從慷慨使我歎

天上何所有上有九重臺日月闢房牖河漢界兩階白
虎夾路隅青龍吹咿啼五藏當東脯四海充一杯衣裳
被雲氣左右結雙蜺彗星垂為帶北斗東為觴舉足歷
顓蒼往往不復迷朝集扶桑東夕降若木西

守道遺榮利趨物喪其真趾伸難並觀高尚良可倫不

見玄廬子精神已無存煌煌口中珠含此誰為珍富貴

欽定四庫全書

明詩錄
卷四十

九

馬足求甘我賤與貧

朝游東海上親見安期生袖攜麻姑書揖子上天行忽
忽從之去一舉陵太清白榆何歷歷桂樹亦青青朱爵
七十二鼓翼相和鳴玉女顧我笑執手戲紫庭萬歲同
娛樂天地長齊并

游仙

精衛填東海覽覽累形軀哲人匡宇宙天命不可須聞
有山林士棄世以自娛願言從之游齋潔鍊羽書丹池

可止渴晨餐咀雲珠度紀諒非難去去勿躊躇

贈孟望之 二首

昔余與君子未見心相知邂逅在今辰果若平生時願
得結歡好贈子以新詩含意未及申行行復何之念當
從此去飭俚出郊畿行人倦往塗終言與我違倉卒執
手間歎息空相持愧無晨風翼送子起翻飛

跼蹐郊野外白日匿西山行人去有期安得久周旋請

為游子吟與子結纏綿憂來動人心惻愴不能言言念

欽定四庫全書

明詩紀
卷四十一

十

平生友意氣非徒然行役不足辭貧賤非所憐君其為

明信慰我心惓惓

田中築舍修治樹藝

莊生卧豪梁范子去海隅行止信難俾遠跡要不殊伊
予慕樓遁脫冠歸里閭卜宅近郊坵葺宇就田廬南榮
面崇岡北牖背幽墟雖非山水地取樂自餘築牖仍
先趾穿池即故渠林木盡舊行圃畦皆曩區寡欲罕所
營衆美亦云俱爵祿無常位貧賤亦安居豈惟畏淹留

得以免憂虞惟此平生情永言焉可渝

丙子十月二十八日初發鄉邑述征有作

旅宦忝從事卧疴輟歸田俛仰似昨日荏苒踰三年末
路謝貞素積習慚寅緣整駕別鄉邑薄言重徂遷瞻途
背梁宋振策指幽燕昔往遺維繫今未就糾纏豈伊行
役數畏此平生嚮嬰世迫物累撫化懷冥筮齊契百年
內高揖千載前慮存跡匪虧意愜道仍全斯言俟明哲
因歌遂成篇

欽定四庫全書

明詩紀
卷四十一

十一

月夜坐憶

明月三五時流光千里外虛館風冷冷寒埤霜霑露不
見南樓客徒憶西園益懼酒無盈觴憂襟有餘帶沈吟
靜夜思緬邀佳人會

陳卧子
云俊雅

詠燭

客醉北堂上花生夜戶中色亂歌梁月影弄舞衣風珠
簾照不隔羅幌映疑空願得陪長譚相看曲未終

雜詩 二首

植草會成蔓種木當為株休咎豈虛生景響不相踰呂
生鈞奇貨蘇子挾陰符六國假相印萬戶割名都一朝
計不售倉卒蒙罪辜狙詐適自困傾巧定焉如生時諒
非榮既沒辱有餘達人安貧賤貴欲弭禍樞

玉以采自斲丹以澤自銷高才耀當時荼毒竟相招傳
子感飛蛾張公喻鴈鷺思患豈不徹履險果焉逃嗟哉
世路間覆轍常所遭千金憚垂堂胥靡易登高願隨方
外士杖策歸蓬蒿

欽定四庫全書

明詩歸
卷四十

主

舟中看雨

微照下亭皋輕雲翳川曲一望春波上蕭條煙雨綠餘
花飄近渚衆鳥喧深竹偕問同行子何處停舟宿

日暮

日暮坐東軒直望西山曲白雲鵲鳴至雨我牕前竹
晨憚隆暑披衣廢朝沐徙倚乘夕涼清風散炎燠大象
斡流行變化一何速日新諒無取年長祇多辱古人善
補過嗟爾當自勗

北征

地闊塵沙外天寒霜露中燕雲常少日朔氣自兼風夢
斷南樓鳥愁隨北向鴻淹留憶攀桂辛苦歎飄蓬

九日同何仲默出郊

九日登高會同人載酒來寒城一以眺秋色正堪哀零
雨晨初霽浮雲午未開南飛有鴻鴈為爾立徘徊

答王允升省中對雨見憶之作

康樂愁霖唱平原苦雨詩故人歌此曲贈我慰相思薛

欽定四庫全書

明詩歸
卷四十

主

荔華青閣芙蓉汎綠池今朝一樽酒最恨不同持

送毛敬父之廬州

北峽吞淮口東陵控海隅霍山分岳鎮肥水混濡須從
事之官遠觀風問俗殊廬江多小吏應候府中趨

七月十五夜對月

娟娟涼風夕紛紛零露時秋來看明月風露已如斯况
對西園酌兼懷康樂詩山中有桂樹今夜足相思

六月八日西園遇雨

窈窕西清內參差水殿連歸雲向平樂飛雨集甘泉明月裁班女迴風唱麗娟龍池初望幸來往木蘭船

重游蕭氏園

別此真如昨重游換物華粉滋曾倚竹紅淺舊看花沙阪營林曲山蘿逐水斜城南咫尺路未覺往來賒

負郭

負郭茅堂小臨溪竹園斜山樽移野客魚網曬鄰家荒徑封殘雪疎籬透晚霞預思春到日耆處種桃花

欽定四庫全書

明詩歸
卷四十

三

玄明宮後園石山

出郭仙城近探幽福地遙珠林行窈窕錦石上嵒堯雲裏仙人酒山中玉女蕭蓬萊去何許東望海邊潮

村居

寂寞村居僻荒蕪草徑深飛蓬來曠野啄木響空林薄落耶凝望清江正苦吟此生甘落魄自笑果何心

送周子賢按貴州

萬里牂柯路炎洲百粵南懸梯穿鳥道流沫下龍潭赤

坂鼉鼉出玄厓日月含虹霓蒸海氣煙霧灑春嵐飛鶴綠簾竹垂援墮石楠橘花香細細藤刺綠蛇斃嶺外青驄馭臺中白筆簪秦冠高鐵柱漢節照金函行邁應多暇登臨素所耽江山吟謝客物色助清談送遠都無緒憂時且不堪安危廷評地遲子促朝參

送劉遵教赴河南僉事兼河北兵備

暫輟臺中妙兼分閭外名兩河開幕府萬里作長城卻教真堪帥懷宣本善兵追奔立表待傳檄據鞍成盜賊

欽定四庫全書

明詩歸
卷四十

五

空三輔煙塵掃北平閭閻無夜警部曲有春耕風勁吹龍角雲輕抱翠旌遙瞻猛將氣偏逐使君行

寄崔內翰

病起身仍健秋來興不孤心情那可減肺氣欲全蘇蟻穴依牀蛛絲織畫圖寒帷窺物色倚杖理荒蕪撥悶憑詩卷忘形付酒壺昔賢遺軌躅餘力誓馳驅良史傳經術高才繼典謨赤鯨凌海水翠鳳上天衢仙籍通羣帝文星近六符馬遷懸寶錄劉向謝醇儒玄覽來神契